

增修萬縣志卷十八

地理志

塋墓

名流瘞玉之所雖蓬顆荒阡奕世猶封樹題識是邦
在昔豈乏賢哲而舊志及郡志祇載冉仁才墓譚母
墓此外無聞焉良可慨已今益以所知鄉賢忠節孝
義士女庶異於生榮沒已者歟

唐

巫山公冉仁才墓 在縣東十三里明墓誌仁才字

萬縣志

卷十八

地理志

塋墓

一

徵文資性英勇大業末以功授通議大夫義甯二年
平綠郎有功秩金紫光祿大夫涇州刺史封巫山公
唐武德二年詔加前開國食邑持節浦州刺史貞觀
六年遷澧州永徽二年入朝優詔遷使持節永州刺
史三年九月卒於任年五十六諡曰果五年歸葬萬
州南浦之萬輔山舊有龍朔間碑全載藝文通志
嘉靖二十年西陽宣撫司嗣孫元奉詔重修墓旁華
表書潛德重光

明

鄉賢劉五緯墓 在三正里九甲劉家壩有碑

副將墳 在大周里十甲堰塘灣石碑殘缺有忠勇

字

國朝

左都督陳祚昌墓 在市郭里四甲白燕山其祖父

母榮祿大夫一品夫人墓及武德騎尉陳勝學雲騎

尉陳第襄墓均在太平場西東

忠烈楊春芳墓

諭祭文維皇康熙二十有二年歲次癸亥十二月二十二日

萬縣志

卷六

地理志

塋墓

二

皇帝遣川東道官諭祭都督同知管副將事因殉難贈太子

少保左都督楊春芳之靈曰烈士成仁齋志而歿忠臣報

國捐軀以從爾楊春芳矢志忠貞服官敬慎值逆賊之煽

亂屬臣節以彌堅臨難不屈甘心殞命朕用悼焉特頒祭

葬以慰幽魂嗚呼聿垂不朽之榮庶享匪躬之報爾如有

知尙克歆饗

忠烈張仲勝墓 在市郭里二甲螃嶼溪碑書

誥贈從一品都督同知張公諱仲勝號國位大人之墓弟

仲鼎男大用姪大相大受大孝康熙八年仲冬旣望

立神道碑可讀者將軍諱仲勝楚之施衛人也世以
軍功爲施僚幕 累功授副總兵 定鼎垂二十年
諸寇猶斲樹如故也維時督臣李 諸寇蜂屯鵠起
進逼高唐官兵雖皆西北健卒起於平原 救無所
施而制勝克敵有藉於川楚驍勇居多將軍獨奮勇
先登 其先後紀錄及臨陣殉難狀 賜以祭葬蓋
將軍常僑寓南浦因藁葬於萬南 余竊維將軍之
世系 顧當世豈無衣冠望族瑰偉丈夫獨其臨難
濡忍不能自裁 膺上賞卒能以身殉敵不挫其志
其大節可見矣

萬縣志

卷十

地理志

塋墓

三

詔封昭勇將軍傅思忠墓 在三正里十甲磨刀溪上碑

書湖廣彝凌鎮標參將管水師前營遊擊事男傅爾

學康熙八年立

孝義魏士良墓 在市郭里四甲青獅嶺

忠烈馬定國墓 在西關外以剿藍逆陣亡

朝廷優卹

廟祭 予建專祠同治三年冬知縣張琴爲之建祠營冢

豎碑

明

馮氏一品夫人墓 在王家山

國朝

譚夫人墓 在縣治大江南翠屏山下碑書一品夫

人譚門黃氏之墓鎮守四川駐劄雲陽等處總兵官

向化侯男譚詣孫貢生譚天性右都督總兵官譚天

叙奉祀康熙三年立

詔封正一品張夫人墓 在大周里七甲譚家坡碑書男

萬縣志

卷十八

地理志

塋墓

四

湖北棗陽縣知縣大名長陽縣知縣大猷雲南楚姚

鎮總兵大典

孫

雲南提督耀祖

曾孫

紹興府知府廷

柱廣西全州營參將左都督廷輔元孫刑部東所司

獄司光第順治十七年建康熙七年乾隆二十七年

重修